



Nbc. 17.
Q.



Kurze Erkleytung

Des beweglichen Schreibens/

Welches Herz D. HOC,

Churfürstl. Sächs. Ober-Hof Prediger zu Dres-
den / an eine hohe Fürstl. Person etc. wegen Aufstrei-
bung dero Lutherischen Kirchen: vnd Schul-
Diener / hat ergehen lassen :

Durch einen

Der Freyen Alt-Teutschen Redligkeit/

So / vnter andern / Beyde Otth vnd Fri-
derich / deren Namen die Erste / auf dem Vhralten
Witkindischen Stammem vnd Geschlecht dero
Hertzogen von Sachsen erwählte Christl. Röm.
Käyser / als eine köstliche Cron vnd Zierde
des Lands / ihrer zeit / sehr geliebet /
darob gehalten / vnd auch mäch-
tig erhalten haben.

Beständigen Liebhabern vnd getrewen Patrioten,

So dann auch nicht Böß : sondern in alle wege
Gut-Euangelischen Christen / gestellet :

Vnd

Ehrgemeltem D. Hoen auf Christlicher
guter Affection zur Nef verehret/

Im Jahr

M. D C. X X I I I.

Handwritten text at the top of the page, possibly a title or header.

Large, faint, illegible text block in the upper middle section.

Second block of faint, illegible text below the first.

Third block of faint, illegible text.

Fourth block of faint, illegible text.

Fifth block of faint, illegible text.

Sixth block of faint, illegible text.

Seventh block of faint, illegible text.

Eighth block of faint, illegible text.

Ninth block of faint, illegible text.

Tenth block of faint, illegible text.





Eist in Newligkeit ein / also genandtes / Bewegliches Schreiben, welches Herr Doct. Hoe, Churf, Sachs. Ober-Hofprediger zu Dresden, an eine hohe Fürstl. Persohn, wegen austreibung dero Lutherischen Kirchen: vnd Schuldiener zu Prag in Böhheim/vnd anders wo/ ergehen lassen/herfür vnd an Tag kommen: Wie solches nunmehr fast jederman bekandt seyn wird: Auß welchem seinem Schreiben es gleichsam scheint/vnd sich ansehen läffet/als ob der Schaden Josephs/vnd der jämmerliche erbärmliche Zustand der Euangelisch. Christlichen Kirchen zu Prag/in Böhheim vnd anderswo mehr/ihme deromal eins vnd nunmehr (aber besorglich viel zu spath) zu Herzen gehen/vnd er sich darüber bekümmern wolle. Denn es ja sonst der ganzen werthen Christenheit/in vnd aufferhalb Teutschland/ gnugsam vnd/ leyder/ mehr als zu viel bewust ist/ wie hefftig/wie cyferich/ja wie mühsamlich sich dieser Mann der sachen vor diesem angenommen/wie sehr vnd embzig er sich doch zerschrieben / zerschrien / vnd damit also mächtig hart geschürget habe/biß er es so weit gebracht / als es nunmehr für aller menschen Augen an offenem Tage stehet.

Nun ist zwar nicht ohne/ daß wehrender solcher seiner Arbeit vnd bemühung ihme Hoen von den Calvinisten es genugsam ist zuverstehen gegeben worden/ was er endlich mit seiner vnbesüenen Oberwitz / vnd auff Päbstliche zusagung / leichtgläubigem Herzen aufrichten würde/ vnd was es für einen Aufgang erreichen vnd gewinnen möchte: Wie dann Hoe selbst wol erkennet / vnd in erwehntem seinem Schreiben ohne schew bekennet / vnd sonst auch alle solche ohne zweifel trewherkige warnungen noch an offenem Tage seynd: Aber da hat es geheissen: Surdo nar-

ratur fabula: Die Ohren waren verstopfft/vnd kondte da nichts/
denn eitel Papistische schmeichlerische Ehrwort vnd Promissen
grosser güldener Berge/ damit Ehrfüchtige Leute sich gemeinlich
bethören lassen/ penetriren vnd eindringen.

Es wolle sich aber nunmehr D. Hoe versichern/das vnter des-
sen viel tausent Euangelischer Christen zwar still gessen vnd ges-
schwiegen / solchem verderblichem Anwesen mit herkbrechenden
feuffzen zugeschehen/vnd gewünschet haben / das es alles zu einem
guten Ende/vnd erhaltung deren/ auch in vorgemeldten Orten
erbaweten Kirchen/vnd Verübung der recht. Euangelis. Christli-
chen Religion (jeko vnserer allgemeinen Euangelischen Kirchen in
ganzem Teutschland zugeschweigen) ablauffen vnd gereichen
möchte: Aber/leider/wir sind allwege in der Vorsorg gestanden/
es werde also gehen / wie es nunmehr vnlaugbar vnd Weltküns-
dig herget/vnd besörglich noch ärger hergehen möchte.

Wann denn dem allem also/ vnd damit D. Hoe mit etwan dar-
für halten möge/ als ob er nur das Calvinische Kalb allein (wie er
etwan zu sagen pfleget) ins Auge geschlagen / sondern gewahr
werde/ das er zugleich damit auch der ganzen Euangelischen
Kirchen fürnemlich ins Herz gestochen habe: So es ja zumal bil-
lich/wil sich auch anderst nicht gebühren/als das wir Euangelische
auch ein mal (weil wir vnser Ruin vnd Vntergang für Augen
sehen) das Maul auffthun/vnsere Feder ansehen/vnd dem Hohens-
priester zu Dresden/ welcher eines Pabsts ansehen vnd wesen in
vnsern Euangelischen Kirchen affectiret, die Wahrheit vnter die
Nasen reiben/vnd ihme seine an der Euangelischen Kirchen vers-
übte Bosheit also für Augen stellen: Ob er vielleicht noch besser
in sich gehen/sich rechtschaffen bekehren/vnd so weit er zur Vn-
terdruck: vnd Austreibung dero Euangelischen vnd ihrer Bes-
schützer sich bißhero bemühet/das vbrige hergegen widerumb/so
viel auch desfalls an ihme seyn wird/zu deroselbē defension, schutz
vnd Anffnehmen/ganz eiferig anwenden/vnd also für seinem bes-
sörglichen/ia auch sonst vnfehlbaren/ vntergang ware Bus thun/
vnd.

vnd solche so fern würdlich bezeugen möge. Hierzu nun hat er vns mit seinem vorgenanten schreiben feinen Anlaß/Gelegenheit vnd Ursach gegeben: Bevorab/wann wir seine bißdahin verübte Actiones, Procedere, jetziges fürhaben/vnd was er damit verrichten möge/etwas fleissiger besehen werden.

Anfangs zwar vnd fürs erste/halte ich es vnnöthig zu seyn/seine biß dahin vnd zum Vbelstandt verübte Actiones, vnd Procedere, weitläufftig zu beschreiben: Dann dieselbe ihren Effect so weit erreicher/das er H.oe selbst darüber nur karmet vñ schreyet/vñ J. Fürst. G. an welche das Schreiben gerichtet ist/Nicht gnugsam schreiben kan, wie hoch nemlich die Euangelische Potentaten des H. Rom. Reichs durch diejenige Cassirung der Euangelischen Religion, vnd Sperrung dero newerbawten zweyer Prager Kirchen, besturtzet vnd alteriret worden: Item: Das der lobliche Churf. zu Sachsen nicht hoher hette betrübt werden können, als das Ihre Churf. Gn. dero selben Religion auffs eusserste verhasset sehen, &c. Ja lieber/ists nun lamentirens zeit? Hat man vns das nicht zuvor gesagt? O wir kleingläubigen! Nun wie deme/so ist sehr wol zu glauben/ist auch unsere gemeine vnd grössste Klage/das nicht allein Churfürsten vnd Stände/in vnserm geliebten Vatterland Teutscher Nation, sondern auch viel tausent Euangelischer Christen mehr / in vnd aufferhalb Teutschland / viel höher betrübet seynd/als es D. H.oe immermehr gnug schreiben kan: in deme sie in der that erfahren müssen/wie schändlich sie in diesem Religionswesen hinder das Liecht geführet worden seye: Da es allein vber die Calvinisten (wie vns H.oe immerdar hat vberreden wollen/vnd sich selbst ohne zweifel also auch hat vberreden lassen) ergehen/vnd die Lutherisch. Euangelischen zumal nicht haben gemeynet seyn sollen. Vnd wenn es vns die Calvinisten trewherkig (als wir auß einfaltig Christlichem Herzen anders nit errachten/ja nunmehr auß eigener Erfahrung auch nit anders schliessen können oder sollen)vñ aufrichtig/vnd das sie es gern mit vns/wenn wirs nur mit ihnen auch also gewolt / so fern gehalten:

heten/ zuvor gefaget/ so hat es Herr D. Hoe so starck wider-
sprochen, daß/ qui hoc non crederet, saluus fieri neutiquam
posset, sondern hat stracks zum Teufel hingewiesen werden müß-
sen: Also für warhafft hat D. Hoe dero Papisten vnd Jesuiten
Wort vnd versprechen gehalten. Derowegen dann/ vnd in An-
sehung alles dessen/ sich billich nicht wenig zu verwunderen ist/ was
doch zu solchem starcken widersprechen vnd thätlichem widerfech-
ten (da es doch so bald im anfang des Böhmisches vnwesens vñ
ber vns Euangelische/ auff Papischer seiten ergangen) Herrn
Hoen für anlaß vnd ursach gegeben habe/ daß er nemlich bey sei-
nem Gn. Herrn alle zu diesem end außschlagende Confilia (wie
er denn selbst bekennet/ daß er alle die herrliche Sincerationes vnd
heimliche Versprechungen an seinen Herrn den Churf. von Sach-
sen, auff begehren vnd befelch dero vornemsten Catholischen Po-
tentaten gebracht, vnd ohne zweiffel/ auch erlangter gewünschter
vnd selbst gerathener Resolution ein gut Bottenbrodt vnd Zehr-
pfennig davon bracht haben wird) mit eusserster macht vnd krafft
hat urgiren, treiben vnd durchdringen helfen. Leyd ist es vns
Euangelischen zwar allensampt/ ja/ von Herren leyd ist es vns/ a-
ber gleichwol ist die dürre pur lautere Warheit: Daß der vbers-
machte bendes Ehr: vnd Geld: geiz bey diesem vnserm hochge-
achteten Euangelischen Prædicanten allzusehr eingewurzelt/ vnd
er damit so gar eingenommen vnd besessen ist. Dann da hat er
nimmer Ehren Titul vnd Namen genug gehabt. Vnd ist dem-
nach eben dieses ihme die rechte zeit vnd gewünschte aurea Messis
gewesen/ sich hoch vnd groß zu machen/ vnd in gewaltiges anse-
hen bey hohen/ sonderlich aber Papischen Häuptern/ biß an ih-
re geheime Ratschläge/ zu setzen. Er hat sich an seinem Adeli-
chen Stande vnd herkommen/ beyneben seinem Geistlichen Bes-
ruff/ nicht ersättiget / sondern darüber / bey den Euangelischen
Pfarhern sonst vast vnerhörte vnd unbekante/ Ehrentitul zu wes-
gen gebracht: damit ja jederman sehen / vnd der ganken Welt
kündt werden möchte/ wie hoch D. Hoe bey der Pabstl. Kirchen
geehret/

geehret/ vnd wie weit er von vnser
ro S. auch in diesem Pab/ ja v
selbst/welche vor diesem viel ein
zumal abgefallen sey: Vnd möcht
(wie sonst etwan ein Pabst vom C
haben soll) auch sagen: quantur
hemicum, & consequenter d

Nun/ diese seine erlangte Her-
fern sie vns nicht zum schmerzhaf-
theten) nicht mißgünnet: Wir
brüderlich dessen/ daß der H. Pau
Wurzel alles vbel/ vnd daß man r
Ehre thun/viel weniger dañenhero vñ
rathen/ vnd in die Kapus dahin geben p.

Es weiß aber D. Hoe solches alles gleichwo-
mit dem gefasten Enfer gegen die Calvinisten zu besche-
zu seiner Bosheit Deckmantel selbigen ganz scheinbarlich
wenden vnd zugebrauchen: Dann es einmal gewiß / daß all-
thun (wie auch noch diß Schreiben genugsam aufweist) mit den
Calvinisten von ihme ist bemantelt worden. Vnd da hat allerley
schänden/schmähen vnd vnnöthiges/aber zu vnserer sachen Ver-
derbnuß wol: dienliches lästern / darob auch diejenige vnter vns
Euangelischen: dero Friedliebend Gemuth vnd Zuneigung zu
den moderatis Confiliis (derowegen Ihre F. Gn. an welche diß
Hoesche Schreiben abgangen/ er nicht vnbillig rühmet) sich je-
hands hat vermercken lassen/ allwegen ein groß mißfallen gehabt/
das beste thun müssen/vnd nimmer kein Ende hat nehmen wollen.
Vnd was man auch nur immer gesagt vnd gesungen / es werde
endlich vber vns Euangelische auch mit aufgehen: So ist doch
D. Hoe allwegen mit sehenden Augen blind/vnd mit hörenden
Ohren ganz taub gewesen/ vnd hat immer geheissen: Nein/nein/
nicht vber vns/die wir im Religionsfrieden seynd/sondern vber
die im Religionsfrieden unzugelassene (wie er allhie auch noch
redet)

folles alles gehen die finds / die
oe/ vnd laß vns einest für den
n/vnd sehen/wen es erstmals
weiter treffen werde : Vnd
/ Geldgierigkeit vnd all zu
Lieber/bekenne mir vnd sage
: Böhmitche sache allermeist
ich am meisten betroffen? Die
chen? Welcher hat sich auch
ff am meisten angenommen? oder
war/annehmen müssen? Ich meyn
nzen Christenheit bekandt/das gegen
n/ kaum ein hundert Calvinisten seynd
at dir dann dazumal/als der löbliche Churf.
dem Mülhäufischen Tag gewesen / vnd kurz
at einem grossen Herr in die Laubnitz gerücket/ ist dir
/sage ich noch unbewust gewesen / das der Anfang der
en Böhmitischen Vnrube allein/allein (sage ich) wegen des
reynen Exercitii der Euangelischen Religion vnd Confirmation
des darüber ertheilten Mayestätbrieffs sich erhaben? Vnd das
der wenigste Part darunter Calvinisten gewesen? Ist dir dann
damals noch unbewust gewesen/das die löbliche Stände Aug-
spurgischer Confession die Prager Kirchen erbawen, vnd das
Exercitium Religionis bey Kayser Rudolpho I. Christlöbli-
cher gedachtnus haben erhalten helffen? Was haben aber die
Calvinisten vor vnd nach dargegen jemals gehandelt? Ist ihm
nicht also/ das Chur-Pfalz/Brandenburg/Hessen/etc. vnd ande-
dere/ so genante/Calvinische Fürsten vnd Stände mehr/zu auff-
erbawung obgenanter Kirchen/eben so wol / als wir Euangelis-
sche/das ihrige würcklich geleistet haben? Ja/wir müssen bekens-
nen (wir wollen oder wollen nicht) das eben Chur-Pfalz
der protection vnd Schutzes dero Euangelischen Kirchen ins
gemein/

gemein/ sich jederzeit am treulichsten/ vnd endlich auch dieser Böh-
mischen besonders/ trefflich angenommen habe: Da es doch Chur-
Sachsen zu thun/ auß vielen erheblichen Ursachen/ billicher hette
gebühren vnd obgelegen seyn sollen: Auff welchen fall es dersel-
ben an Calvinisch: anerbotten: vnd würcklicher assistentz ohne
zweifel auch nichts ermangelt haben würde. Aber wie wolte alß
dann Hoe/wegen seiner lange zeit hero höchstgepflogener Cor-
respondentz mit Papistischen Oberen / Pralaten vnd hohen
Hauptern/seine Dienste/als ein getreuester Romischer Knecht/
haben erweisen können? Vnd wer wolte ihn zu einem Comite
Palatino, (sed nunquam ad Rhenum) gemacht haben? Wora-
uß denn gnugsam erscheinet/das vorerwehnter gegen die Calvis-
nisten vielleicht vnzimlich / gefaster Eyser/ vnd vnversöhnli-
cher Haß nur ein Deckmantel seiner D. Hoens Bosheit/ eigener
Ehr vnd Geizes gewesen sey: Dardurch es (Gott erbarmt)
auch so weit kommen/das sehr viel vnschuldige Euangelisches/ als
lerwenigst aber des Calvinischen Christen Bluts/durch die Chur-
Sächsische Armee vergossen worden ist: Die vbrigen aber nun-
mehr durch Käyserl. Zwang entweder von dem ihrigen ins Elend
verwiesen vnd vertrieben werden/oder ja den nechsten vnter das
Päbstische Joch sich ergeben müssen: Dannenhero D. Hoe bil-
lich zu klagen hat: Das diese Leute (nemlich die Calvinisten) vns
in diesem Pas allzumahr propheceyet, wir würden erfahren, wenn
Kaysrl. Mayt. die Oberhand behalten thete, das es vnserer Re-
ligion weit vbel, als vnter ihrem dero Calvinisten Regiment (ja/
das es vns auff selbigen fall noch ärger/als ihnen) ergehen würde.
Derowegen es ja kein wunder were/ wenn D. Hoe nur ein einzis-
ges Christliches Blutströpflein in seinem Herzen hette/ das da
mitleyden vnd erbarmnus mit der nothleidenden Euangelischen
Kirchen tragen köndte/ vnd es ihm von seinen Privat affecten
zugelassen würde/ das er endlich in sich gehen (wil nicht sagen/mit
dem Verrather Juda sich erhengen/ sein Eingeweydt / so voller
Gut: vnd Ehrgeizes stecket/ außschütten) vnd sagen müste: D

B

was hab ich gethan/ daß ich so viel vnschuldige Euangelisches Blut
verrathen habe! Wolan/ Gott wolle ihme vñ vns allen die Barm-
herzigkeit erzeigen/ daß wir ihme vmb des vbeln willen / so er an
vns gethan/nichts anders als Reu vnd Leyd/wahre buß vnd bes-
serung von herzen wünschen vnd gönnen/ auch bitten vnd bey
Gott dem H. Erri anhalten/ daß er ihn / nach seinem gnädigen
willen/auf einem vngestümmen Saulo dermal eins zu einem sanffte-
mütigen Paulo machen vnd transformiren wolle! Für eins.
Weiter aber/ so ist kein zweifel/ es werde D. Hoer (wie dann auß
vielmehlem seinem schreiben gnugsam erscheinet) an allerhand
aufreden vnd entschuldigungen nicht mangeln.

Erstlich/wird herfür vnd auff die bahñ müssen der allgemeyne
schöne Vortrab/ Non putaram; Ich habe nicht gemeynet/wird
er sagen/ daß es so vbel außgehen sollte. Das ding war ja allein
auff die Calvinisten angesehen/ Es heist aber Prudentis non est
dicere, non putaram: Ein weiser Mann sol kein Kind seyn/be-
vorab in so hochwichtigen Religions-sachen/da wir mit den Pa-
pisten zu thun hatten/deren fleiß vnd hurtige Practicirische Reue-
te vns zu hindergehen vorhin gnugsam bekandt sind: Vnd zwar/
so ist es lächerlich/daß ein so hoher Doct. vnd Ober-Hof Predi-
ger solches nicht hette meynen sollen. Ursach/hat damals/als die
sach auff Osterreichischer seiten / vnd ehe man den hochlöblichen
frommen Churf. zu Sachsen / durch seinen Pabst zur assistents
vermöcht hatte/nach sehr schlecht vñ baufällig stunde/die Religion/
vnd von deren Sicherheit wegen/von Chur-Fürsten vnd Stän-
den beschehene interpositiones zum Friedenstand/kein platz/raum
oder stat gefunden/sondern nur lauter prorogationes vnd bloße
se worts-vertröstunge erfolget: Ey lieber/ was hette man dann
nicht meynen können oder sollen/ja/ was für gewisheit ist zu hof-
fen oder vorhanden gewesen/dero Euangelischen ins künfftig vnd
alsdenn zu verschonen/wenn der Arm des vnterdrückens durch
solche grosse vnd ansehenliche Sächsische Macht zur Victori vnd
vberhand gestärcket sein würde? Dieses sollte Hoer zuvor ja wol
gesehen haben/wenn er nicht were geblendt worden. Weis

Weiter/ wird Hoe sagen: Wir hatten aber den Religions-
frie- den für vns/ der vns an stat eines H. Sacraments war. Sollen
sie/ die Papisten/wider den Religions- Frieden handeln? O das
sey ferne. Vnsere H. Patronin oder Großmutter/die Röm. Ca-
tholische Kirche wird das nicht vber ihr Herz bringen können. Ach
mein lieber simpel vnd einfältiger Hoe (verzeyhe mir/ so ich mich
mißrede/vnd damit vielleicht an dir vergriffe.) Lieber/wider wen
haben die Papisten/vnd fürnemlich die Jesuiten/ den Religions-
frieden so hefftig biß dahero disputiret; vnd mit Gewalt behaup-
ten wollen/es sey nur ein Interim vnd tolerants, so lang es die Ro-
manisten pro vnd ihnen fürträglich zu seyn? Wie es ihnen dann
ein gut Dick/damit dich zu umbstricken/gewesen ist: Item/ Quod
hæreticis non sit servanda fides, daß man den Ketzern kein glau-
ben halten sol. Vielleicht hastu den Pater Becanum, Jesuiten
damals zu Maynz/nicht/ oder ja zum wenigsten perfunctoriè
schlecht oben hin vnd vnbetrachtlich gelesen: Welcher hievon
ihre/dero Romanisten/meynung schon längst klar gnug an tag ge-
geben hat. Oder glaubstu vielleicht/daß sie ein anders von sich
schreiben/vnd öffentlich bekennen/ein anders aber in ihrem Herz-
zen/wie du vnd deines gleichen eyferige Zeloten / quorum zelus
tamen haud raro scelus & non cælicus ardor esse solet, et wa-
denen Calvinischen öffentlichen für Gott vnd der Welt getha-
nen Confessionen oder Bekandtnussen/als ein vermeynter Her-
zenkündiger/freventlich zumiffest) glauben vnd halten?

Daß aber solche Disputation Vns/die Evangelische/ja vns/
sage ich/ allein angehe/darüber giebestu selber Zeugniß: in dem du
schon vorlängest geschrieben/geschryen/vnd noch immerdar/auch
in diesem vnter händen habenden Schreiben / durch die ganze
Welt außzuschreyen nicht vnterleffest/ daß die Calvinisten in Re-
ligions- Frieden nicht gehören/darein nie kommen/auch nicht auff-
zunehmen seyen: Dannenhero ja vntwidersprechlich folgen muß/
weil die (Calvinisten deiner vnd dero Papisten Meynung nach)
ipso jure zum Religions- Frieden nicht gehören; Daß derowegen

Die Disputation vnd Streitigkeit des Religions-friedens halben
(an nimirū fides super religione nobis data servanda sit?) vns/
die Euangelische/allein angehe/vnd es die Papisten deßfals mit
vns allein zu thun/vnd so fern den Religions-frieden vorlangst
schon durchlöchert haben. Zu dem/ ist der ganzen Christenheit
bekandt/das zu Rom so wol Lutherus als Calvinus, vnd zwar
der thewre Lutherus im vorgang zu erst/doch uno actu, mit ei-
nem Bann geschlagen/mit einerley Holz (da man ihrer nur mächt-
tig werden köndte) verbrandt/vnd ihre Lehre auff einerley manier
verdampft werde. Wie solches ipsa Praxis vnd der ganze verlauff
der Ober:vnd Vndern Pfalz/darinn mit vnd neben den Calvi-
nisten viel tausent Luther-Euangelischer Christen so lang gedul-
det vnd zugleich mit einander geschützet worden sind/bis durch die
Beyrische macht ihnen beyderseits/vnd also nicht den Calvinisten
allein/sondern auch den gedachten Lutherischen/ die verübung ih-
res Gottesdiensts nunmehr eingezogen/ja auch gänzlich vnd zu-
mal enzogen ist/gnugsam ja (leider) mehr als zuviel außweiset.
Ey/wie solte vns dann der Religions-friede noch so steiff vnd fest
begreifen/das wir vns dannenhero nichts zu befahren haben köns-
den? O blindheit/ vber blindheit.

Hierzu kommen aber weiter/saget D. Hoe Käys. Patenta, Sin-
cerationes, vnd andere hohe vertröstungen: Dergleichen Ertzh.
Carls Hochf. Durchl. wie dann auch Churf. D. zu Cölln eigne
Wort: Jenes zwar in J. Käys. W. Nahmen; Das der alten vn-
geänderten Augsp. Confessions zugethanen, in Ihr. Kay. May.
Gebiet, (mercke diß nur wol/Gebiet) kein bedrangnus widerfah-
ren soll: Vnd das ist sehr viel: Dessen Widerspiel doch zuvor in
Oesterreich/ Steyermarck / Kärndten / vnd anderswo mehr sich
schon allzuviel ereuget hatte. Dieses aber Ihrer Churf. Durchl. zu
Cölln außdrückliche Wort/als nemlich: Wir Catholischen lieben
vnd halten euch, der alten Augspur. Confession zugetahne, an-
ders nicht, als vnser selbst eigen fleisch vnd blut: Ist noch viel
mehr: Denn wer hat jemals sein eigen Fleisch gehasset? Gleich-
wol

wol aber helt keiner sein fleisch vnd blut so werth/das er nichts zu
des ganzen Leibs Nutz vnd Erhaltung/ auff zutrugende fälle/
(wie sie die Catholischen/ dann nunmehr darfür halten/das es so
weit kommen / das jegigem Zustand nach solche Sectiones am
füglichsten fürgenommen vnd verrichtet werden mögen) das ver-
meynte schädliche blut von sich/vnd das faule ansteckende Glied
abschneiden lasse/ Inmassen solches auch vorlängst schon/nicht in
jetzt wehnten dem Haub Österreich zugezogenen vnd beygetha-
nen Landschaften allein/ sondern auch an vielen andern Orten
Teutschlandes / als im Bisthumb Würzburg / im Stiffte Sulz
da/ in der Graffschafft Königstein / vnd vhralten Käys. freyen
Reichsstadt Aach etc. ist gewaltsamlich vnd hefftig practiciret
worden. Ob nun wol vnser hocheleuchter D. Hoe diese Jesuitis-
sche Equioocation noch nicht hat sehen oder verstehen können
oder wollen/so wird sie ihm doch in Effectu nunmehr also gewie-
sen/das wir Euangelische für vnütz blut/ vnd lauter faul Fleisch
an dero Romanisten Leib/ das bey dem reinen vnd gesunden/ ih-
rer Meynung nach / nicht geduldet werden solle/ (denn was hat
die Gerechtigkeit mit der Vngerechtigkeit/das ist/wie sie es deuten/
die Röm: Catholis Kirche mit den Lutherischen Kezern/für genieß
vnd gemeinschafft? etc. gehalten werden: Auffer welchem freylich
die Liebe nicht sonst wider die Natur handeln/vnd ihr liebes Fleisch
vnd Blut nicht hin schlachten / vnd von sich scheiden würde.

Es sind aber Keyß. Hochvnd Churf. Durchl. Wort loco Sa-
cramenti, das ist/an Eynes stat zu halten/wer wolte denn daran
zweifeln? Niemand zweifelt daran/das Hoen solche Sinceratio-
nes (welches Wort doch sonst vor diesem ist verlachet worden)
geschehen seyn: Zumal/ dieweil er sich der Wahrheit zu siewr für
den Richter. Stul Christi beruffte. Aber wolte Gott/ er hier bey
auch wol bedächte/das das schreyende blut so vieler tausent Euana-
gelischer Christen nicht außbleiben/sondern seine Anflag vnd Re-
plic daselbsten gewislich etwan bald auch gegen ihn/ schon langst
citirten/wol zu thun wissen werde: Wehe aber alsdann dem schuld-

dig beklagten. Was ist's dann nun? Mein lieber Hoe/ vnd was antwortest du? wenn wir dich fragen: Ob dir solches alles/was dir so hoch versprochen/ sey gehalten worden? Wir zwar wolten nichts liebers hören vnd glauben: Dieweil vns aber rei Evidentia selbst die antwort/vnd von grossen Herrn entweder gar nichts/ oder ja wenig vnd selten geredet werden solle / ohne daß die Heil. Schrifft außdrücklich saget/ *Grosse Leut fehlen auch, &c.* so lassen wirs bey dem nechsten bewenden/vnd sagen: Manum de tabula! Exitus acta probat.

Nun ferner vnd zum Dritten/ Weil D. Hoe siehet/daß er den Karren in Roth schieben helffen/wolte er gern mittel vnd wege suchen/wie er/wo nicht gar wieder herauß gebracht / doch ein wenig gerückel werden möchte. Derowegen so greiffet er zu etlichen/ seinem erachten vnd hohen Verstand nach/erheblichen Motiven, wie ers nennet/dardurch er verhoffet Käuff. Mächt. zur Sanftmuth gegen die vnsern in Böhmen / vnd zu ihrer Kirchen vnd dessen darin öffentlich zuvor gepflogenen Exercitii Restitution zu bewegen.

(Erstlich zwar zeucht er herfür die *Grosse Diffidents vnd mistrawen*, so zwischen ihnen/den Papisten/ vnd vns den Euangelischen/dannhero erwachsen würde/weil man vns nicht allein das versprochene nicht gehalten/sondern die Calvinisten es vns auch zuvor gesaget/daß wir also bey der Nasen herum geführet werden würden: Vnd daß es ein rechtes Grifflein sey/wenn einer ley Religions genossen/(wie dann in Böhmen/sampt dessen Königreichs incorporirten Landen/vnd in Sachsen mehrentheils gewesen/) sich ihrem allgemeinem Feinde zu Behülff vnd Beförderung seines intents/vntereinander selbst beißen/würgen vnd auffressen müssen/vnd daß wir deswegen (weil es/leyder/ nunmehr also ergangen vnd gehet) billich ursach zu mistrawen hetten. Ist aber nun allererst zeit den Romanisten zu mistrawen? Eben gerad/als ob auff D. Hoens sonderbare confidents all vnser Verstrawen auch gestanden hette? Wir vnd vnserer sehr viel vnzehlige

ge

ge Evangelische haben nie getrawet/ (ob es schon Hie gethan)
vnd trawen auch noch nicht/ vnd zwar weniger als zuvor jemals.
Dann lieber/ was für confidents (die Religion betreffend) köns
nen wir haben zu denen/ bey vnd von welchen wir vnser Religion
zum höchsten/ ja biß zum Fiewr vnd Schwerdt verhasset/ vnd all
bereit verdammet zu seyn wissen? Inmassen dann (anderer
ler Exempel zu geschweigen/) ohne längst/ zu ende des jüngst
gewichenen 1622. Jahrs/ in einer sonst Röm. Cathol. oder
papistischen (aber doch Luther: Evangelischer zum Fried sehr ge
ter/ vnd daher auch ihren Namen wol tragender/ Obriß
hörigen/ an dero tapffern Helden Burgk vnd Berg geleg
Kirchen die Lutherische Catechismus: vnd Gesang: Büchl
etliche zweifels ohne fromme in ihren herren Evangelische
gion zugethane Christen daselbst/ nach längst: hergebracht
wol erwenter ihrer hohen Obrißkeit selbst angeordneter vn
gefürter weise/ noch im brauch bey sich gehabt) durch einen
hafften Jesuitischen Zigelbrenner/ beyneben seinen Adjuncten
fentlich verbrandt/ die angeregte gute Leut darzu in der Kirck
geschlagen vnd darauß verjagt/ die Kirck aber selbst auch (als durch
solche von ihnen zum fiewer verdampfte/ vnd daselbst / wie gemel
det/ so bald auch verbrante Büchlein gleichsam profaniret) auff
new wieder consecrirt vnd Papistischer weise nach/ eingeweyhet
worden ist. Ey/ was für ein vertrauen können wir dann zu den
Papisten desfalls haben? Diweil fürnemlich vns in gemein auch
solche statliche vnd herrliche Sincerationes vnd Hochfürstl. vers
prechungen/ als D. Hoen ad partem, nicht geschehen sind/ darauff
wir so grosse Häuser in die Luft bawen/ vnd als ob wir nicht be
trogen werden köndten/ vertrauen solten: Bevorab/ weil solchen
liederlichen Glauben in vns zu stärcken (sintemal ein gut Con
fortativ adhibiret werden müste/) keine solche herrliche eufferli
che Zeichen der Ehre/ des Golds vnd Silbers/ bey vns eingekoh
ret/ oder vns vberreichet worden seynd; ut scilicet aliud viden
tes & scientes aliud tamen crederemus, Daß wir mit sehenden
Augen blind/ vnd mit hörenden Ohren taub weren. Es

(Es ist aber Hoen hiervomb nie so viel zu thun (dañ ihme ist leiche zu pfeiffen/ daß er wieder tanze) als vmb das Calvinische jubili- ren: Vermeynet/ die Romanisten werden sich das sehr zu herzen lassen gehen/ wenn sie solten vernehmen/ daß die Calvinisten vber vnserm Vntergang jubiliren: Vnd da wil Hoen das Herz brechen/ daß sie vns die Wahrheit gesaget: Ah, risum teneatis a- ci! Lieber/ lachet nicht. Solte das die Romanisten zu vnserer Stitution bewegen? Was köndte doch den Papisten angeneh- s vnde lieblicher zu hören fürgebracht werden. Als wenn sie wiffert seyn möchten/ daß beyde von ihnen abgesetzte Res- ten vntereinander/ vber ihrer beyder Ruin vnd Vntergang sich sich klagelten vnd jubilirten? Ey / wie fein solten sie des- n Traver: vnd Klag fest anstellen. Ich meyne ja/ sie sol- noch viel mehr Freuden-Fest vnd Jubel-Jahr halten / daß s durch dich Hoen / vnd deines gleichen / so weit gebracht / Lutheraner durch vnd mit Lutheranern erwürget / vnd bey- Lutheraner vnd Calvinisten miteinander im Blut gebadet- en. Das / sagen wir / ist ihr höchste Freude / vnd ein recht es Machiavellisch / dir sonst guten Höfling in andern fällen nicht unbekandtes / vnd vielleicht auch jehands practicirtes / Stück- sein. Nun / wie sol man ihm thun? Vnsere Bösheit wird vns auff vnsern Kopff bezahlet / vud die Ruthe / so wir andern gebun- den / wird nunmehr auff vnsern Rücken gestrichen: Jedoch hof- fen wir / es werde D. Hoen ihnen den Papisten noch einen andern sprung weisen / vnd sie etwa mit gleicher Münz bezahlen: So viel guts wollen wir ihme / als vnserm Glaubens-genossen / gern noch zutrawen.

Die andere Motiv nimpt D. Hoen von der gleichscheinenden- ähnlichkeit vnserer vnd der Röm. Catholischen Religion (wiewol D. Luther seliger auff solche weise mit dem Pabst / zu dessen haß er im gegentheil die Euangelische Abgesandte / auffm Tag zu Schmalkalden / vor der zeit / eben so hefftig vnd ernstlich / als zu des HErrn Christi Lieb / bey seinem abscheid von dannen zur gus- ten

Ben leht/mit diesen denckwürdigen Worten (opto vobis sincerum
amorem Christi, & serium odium Papæ) vermahnet hat / sich
nimmer hat vergleichen können oder wollen / vnd von der Un-
gleichheit vnd Gegensatz der Iüdischen Gottslästerung (welche
doch in I. Käy. May. Gebiedt geduldet werde) mit vnserer Euan-
gelischen Glaubens-Bekändtnus. Ey/ wie mit spizigen Fingern)
da doch D. Hoe noch wolein anders vnd größers hette sehen vn-
fürbringen können) greiffet doch der Herr die Religion an! Sor-
gend ohne zweifel/er möchte dem schwären den eyter drucken/vnd
in seiner allergnädigsten Herren vnd Patronen Ungunst geras-
then. Kan er doch sonst frey weidlich auffschneiden/vnd ist sei-
ne Feder nimmer stumpff/ohne wenn ers mit den Romanisten zu
thun hat: Aldann ist lauter Placebo. Aber sage mir doch/lie-
ber Hoe / ist gnug / weil wir Euangelische vns mit den Pa-
pisten zu den drey Haupt-Symbolis bekennen, die heilige Gottsge-
bärerin, die reine vnd keusche Jungfraw Mariam, vnd ihren al-
lerliebsten Sohn den gecreutzigten Iesum Christum von Naza-
reth, der Welt Heyland, mit den Iuden nicht lästern: Daß wir es
ben deswegen im Reichs: vnd Religions frieden begriffen seyn/
vnd tolerirt werden sollen? auch deswegen billich zu restituiren
seyen? Ey lieber dann/warumb hast du vnd andere friedhässige
Lästerer/zu vnserer vnd der ganzen Euangelischen Religions sa-
chen Nachtheil vnd vnfehlbarer Vnterdruckung / lieber die Pa-
pisten (welche doch die Iuden mit ihren Synagogen, darin er-
wehnte schreckliche Gottslästerung täglich verübet werden/ nicht
allein düllden/sondern auch/deiner eigenen Bekändnuß/vnd ohne
das allerWelt bewusten Aussage nach/in ihrer Protection haben/
vnd also mächtigen Schutz vnd Schirm ihnen leisten/vnd erwei-
sen) auff den händen gleichsam getragen / vnd hergegen vnserer
Sachen treweste Beyständer mit Füßen getreten? Bekennen
Sie/ eben die genandte Calvinisten (doch nicht/daß ich ihnen das
Wort zu thun begehre/sondern was die lautere/klare vnd offen-
bare Wahrheit selber ist/ nur blöflich andeute) bekennen sie/ sage
ich/nicht auch zugleich mit vns die drey Haupt-Symbola; Ich

E

meyne ja freylich! Hassen sie nicht von Herken die verfluchte Jü-
dische Gottslästerung/also daß sie dannenhero auch mehrentheils
Derer zu mal keinen in ihren Landen vnd Gebieten leyden? Ich
meyne ja freylich! Aber/das noch mehr is/ gründen sie nicht zu-
gleich mit vns auch ihrer Seelen Heyl vnd Seeligkeit/hindan ges-
setzt allen Menschen Landt vnd Gedicht/allein / allein sage ich/
auff das thewre rosinfarde Blut vnd Verdienst vnsero einigen
Mittlers/Erlösers vnd Fürsprechers Jesu Christi? Ich meyne ja
freylich! Halten sie nit von der heil. vnd keuschen Jungfraw mit
vns alles/was Gottes wort zu halten vnd zu glauben zulasset? Ich
meyne ja freylich. Vñ in Summa/seynd sie nit mit vns von den Pa-
pistischen Greweln allermeist abgewichen? Ich meyne ja freylich.
Dieweil sie dann im Fundament vnd grund der Seligkeit (wel-
ches den Papisten noch weit weit fehlet) mit vnd bey vns stehen /
wie ihre viel: vnd wol tausendfältige Erklärungen vnd Protesta-
tion: Schrifften/so aller Welt für den Augen öffentlich da stes-
hen/hell vnd Sonnenklar außweisen/ja für vns Euangelische, bis
zum verlust alles des jhrigen, trewlich gefochten haben. Ey/war-
umb sollen vnd müssen sie denn eben der Deckmantel deiner Bos-
heit/vnd auß allem Fried vnd Assistentis außgeschlossen vnd ver-
schüpffet seyn? Irren sie noch in etwas/warumb wiltu dann eben
alle Splitter außziehen? Du Splieter: Richter: vnd siehest viels
leicht den Balcken in vnserm Auge nicht? Nun dann/ so hast du
freylich ritterlich für vns gestritten: In dem du vns zugleich mit
den Calvinisten ihnen/den Papisten/ zum verderben dahin gees-
ben/vnd lieber diesen/als jenen/vnter die Arm greiffen/vnd also ih-
re Leibs vnd Seelen Herrschung hast bestettig en helfen wollen.

Die dritte Motiv ist Vnsere, dero Euangelischen Vnschuld,
vnd dannenhero der Straffen Unbilligkeit: Hoe saget: Wenn für
eine grosse Sünde wenig Straff genug ist, (wie die Heyden zu sa-
gen pflegten) warumb wil dann Käyserl. Mayt. diejenige so hoch
vnd stricktè straffen, so nichts gethan? so gantz vnschuldig? Ia,
so für Ihre Majestät gebeten haben, &c. Wol gut were es/wenn
Käyl. M. sich mit dieser Entschuldigung abfertigen liese. Dann es

zwack:

zwaer die Warheit/daß wir/in dem wir vnser Religion/vnd deren
freyes/vnd im Religions-frieden begriffenes Exercitiū verthädis
get/nicht gesündiget/vnd gleichwol für J. Kay. M. gebeten haben:
Welches nit wenigens auch die Calvinisten/als Belkündig/in ih
ren öffentlichen Kirchen-Versammlungen vnd sonst zu thun noch
nie vnterlassen haben: Aber der Kayser wirfft eben dahero vns ein
anders für die Füße/vnd saget: beyde/Lutheraner vñ Calvinisten/
vnd also nie die Calvinisten allein/ sondern das mehrentheil dero
Lutheraner haben gleichwol König Friderichen erwehlet: Deswes
gen auch das mehrentheil dero zu Prag hingerteten Luthera
ner gewesen/etc. Da dann Hoe siehet/ wie fein er vnser sachen
führe. Er thuts aber darumb/ damit er auffer Verdacht bleibe/
als hette er zuvor/vnd ehe sein Herr in die Laubnis mit seiner Ar
mee gezogen/ nicht gewust/ daß es vnser allgemeine Euangeli
sche Religion angienge: Wie köndte er sonst jeso / vnd dero
mal eins für vns Euanlischen bestehen? Die wir sonderlich in
Böhheim auff das Churhauß Sachsen/ im Religions wesen/vn
sere einige menschliche hülf vnd vertrauen gesetzt hatten: Dar
gegen wir an stat der hülfleistenden Hand / vnd Rettung der
nothleidenden Religion / die Sächsische Waffnen / eben auß dem
fundament der Keyserl. Objection erfahren vnd vber vns ha
ben kommen lassen müssen: Welche doch billicher vnd mit besserem
Gewissen/für Gott vñ der ganken Evang. Posteritet für vñ vns
zum besten ergriffen/oder ja zum wenigsten geruhet haben solten.
Nun wolan/ es sey dem lieben getrewen Gott alles heimgestellt
vñ befohlen/der wolle danhero so viel tausend lechender See
len vnd betrübter Herzen hiernächst so hoch wieder erfreuen/ als
sie zuvor eben dardurch zuschlagen vnd betrübet worden seynd.

Die vierdte Motiv is genommen von seiner, D. Hoens, Devo
tion gegen Ihre Kayserl. May. in welcher er keinem Catholischen
nichts bevor gebe: Auch, wie er saget/ mehr umb ihrer Mayt.
willen gelitten habe, als die gantze Catholische Cleresey, dessen er
dann von ihnen, den Catholischen, selbst in offenem Druck Zeug
nis habe, etc. Es ist ein alt Sprichwort/ Wenn man die Narren

lobet/so schillet ihnen der Bauch/ vnd wenns niemand anders
thut/so thun sie es selbst: Wie ohne zweifel D. H. auß dem alten
Vers. Catonis in der Schule vor der zeit wird gelernet haben.
Nun/die Warheit zu bekennen/wenn ihme also / were es kein ges
ringer Ruhm: Aber hinwiederumb hast du/ mein lieber Hoen/dich
dessen so hoch nit zu rühmen: Dieweil du deren Brüder noch mehr
hast/so dir an schuldiger Devotion gegē ihrem Käyser auch nichts
bevor geben. Vnd ist es daneben doch gewiß/wenn wir D. Hoen
fragen solten/was er dann doch gelitten hette? Daß ers selber nit
sagen können oder auch wissen wird. Dieweil er aber doch von
den Catholischen das Zeugniß haben solle/als hette er mehr wegen
Käyserl. May. gelitten/als sie alle; So kan er ja Schanden hal
ber nicht vorüber/sondern muß ihnen zu ehren vnd gefallen glau
ben/vnd sich selbst rühmē/als hette er gar sehr viel gelitten. Wahr
ist es/daß es D. Hoen nach dem gemeinen Sprichwort bisweilen
gangen/nemlich/wie einer in den Wald ruffet/also schilt es wieder
heraus/vnd daß ihme (Gott weiß/obs allein von Calvinischen
vnd nicht vnterweilen auch von gutherzigen Euangelischen ges
chehen sey) in diesem erbärmlichen wesen/offtermals seines bösen
Beginnes verweiß/auß Hoffnung einer Besserung/ widerfahren
vnd zu hauß geschicket worden ist: Dessen aber hat er sich so wenig
zu rühmen/als ein Dieb/daß er durch den Strick vom Galgen ge
fallen/vnd nicht daran behangen geblieben sey. Dieses aber/ o
mein lieber Hoen/were wol ein rechtschaffener vñ passirlicher ruhml
wenn du mit Warheit sagen könntest/das vnd das/ so vnd so viel/
habe ich vmb meines lieben HErrn Jesu Christi/ seines Worts
vnd der Göttlichen Warheit willen gelitten / bin von Hauß vnd
Hofe/von allem Wolleben vnd Gütern dieser Welt / mit Weib
vnd Kind/vertrieben worden/da ich nun mit vielen Mitbrüdern
in Christo/als ein armer verbanter/in Exilio herumhero ziehen/
vnd das Elend erbärmlicher weise bawen muß: Ach ja/ sage ich/
diß were ein herrlicher Ruhm/aber der sey fern von D. Hoen:
Denn er wird sich besser befinden/ob gleich alle Euangelische lya
den/wenn er für sich/bey grosser Welt: vnd Geistlicher Herren
gnad

Gnad vnd Gunst / gute Tage haben / vnd sein eusserliches Leyd
vmb jenerer trübseeligen Zustands willen / nur mit kläglichen wor-
ten in etwas für: vnd dargeben mag: Jedoch kan sichs mit ihme
vielleicht auch in kurzer zeit noch wol ändern / vnd etwa seltsam ge-
nug deromal eins hergehen; Dann aller Tage abend ist noch nie
kommen: So bleibet auch das gemeine Sprichwort (*Herren
Gunst, Aprillenwetter, &c.*) noch eine zeit wahr / wie die andere.
Gott vnser himlischer Vatter aber wolle vmb seines allerliebsten
Sohns Jesu Christi willen alles mit ihme vnd vns zum besten
wenden / damit zu seines H. Namens Ehre / vnd vnserer allers
seits wolfarth gereichen möge / Amen.

Noch eine Motiv wollen wir besehen, Welche ist Ihrer Kay-
serlicher Majestät selbst eigenes Interesse, vnd des Haus Oester-
reichs Stabiliment; darüber er H. dann einen besorglichen Vn-
fall vnd Ruin, im niedrigen, als ein guter zum Zweck treffen-
der Bogenschütz propheceyet. Wol ist zu verwundern / woher D.
H. das Courage genommen / vnd einem solchem nunmehr fast
vnüberwindlichen Haus ein besorgliche Ruin hat ankünden dürf-
fen. Es ist aber nicht zu zweifeln / daß solches aus seiner ange-
bohrnen zum theil, vnd dann anderwärts auch obligirter Devo-
tion herflüsse: Viel gewisser aber ist / daß Kayserl. Mayt. ihe
Privat-Haus / vnter dem Kayserlichen Namen / mit vnserm / dero
Euangelischen / zugesetztem Gut vñ Blut / so weit stabiliret vñ fest
gemachet habe / daß sie nach Hoeschen Propheceyungen vnd Bes
drawungen nicht viel fragen / sondern hergegen die Feigen (wie
man saget) zeigen vnd weisen / vnd daß Compelle intrare mit vns
fortspielen werde: Dann man Chur-Sachsen / so weit als man
seiner bedürfft / nun fast gnug gebrauchet / vnd wird fürders heis-
sen: *Nisi hoc, quod nunc volumus, feceris; non eris amicus
Cæsaris.* Das vbrige / wie die Herren Jesuiten geschrieben vnd
geurtheilet haben / (*quod nimirum nobis & animus & vires de-
sint,*) mag anderer orten gelesen / vnd das beste von verstendigen
Darauf geklaubet werden.

Endlichen aber vnd zum beschluß / ist noch wol fragens werth:

Ob dann solche bewegliche Schreiben, bevorab, weil D. Hoen die Nothwendigkeit zu erinnern anbevohlen worden, bey I. Käys. May. nichts verfangen oder gelten werden? Ich halte wol/ja daß Hoens seine Erinnerungen/zu der zeit/da man seines Herrn zu vnserer Vnterdrückung verdeckter weise bedürfftig war/ Audients vnd platz genug gefunden haben: Jezo aber ist zu spath: Die Audients-Kammer ist zugethan. Dann es nicht mehr vmb die zeit/daß Chur-Sachsen widerumb mit einem grossen Heer in die Lausitz beruffen werde: Sintemael sich daselbst/wie auch in Böhemb/vnd anderen incorporirten Landen/ keine Euangelische mehr (welche zu bekriegen seyn möchten) werden finden lassen dürfen/sondern müssen ihre kümmerliche Auffenthaltung anderßwo suchen/vnd allda gleichwol den nechsten einer Käyserl. vnd Bäyerischen Armee gewertig seyn: Alia tempora, heist es jekundt/ alios mores postulant. Derowegen wir vns mit D. Hoen hinführo keiner sonderlichen Audients zu getrösten oder zu erfreuen haben werden/vnd möchte er demnach mit seinen Scars teken so fern wol daheim bleiben: Dann es wird doch heissen: Non verbis, ubi iam factum, opus est: Auff daß wir nicht zugleich mit den Böhmen/vnd incorporirten Landtschafften/ auch in vnsern Euangelischen/ so Sachsen/so anderen Teuischer Nation zugehörigen Landen/die so hoch vnd thewer vor diesem erahrnete/vnd bis noch/durch Gottes Gnad/schwerlich erhaltene Religions-Freyheit etwa liederlich verscherzen/oder auch wol gar verlieren: Insonderheit/ weil Käy. May. durch vnser Exempel weiß gemacht/darfür helt/ daß sie ihren Erb: vnd derogleichen Landen/welche sie nunmehr mit dem Schwerdt gewonnen zu haben/versichert ist/die Euangelischen eben so wenig zu dulden vnd zu leyden schuldig sey: Als wenig D. Hoen hat leyden können/daß wir Euangelische in obgemeldtem Königreich vnd Landen/ von den Calvinisten/gegen vnd wieder nun am Tag (leyder) stehende Versperrung dero Kirchen/vnd gewaltsame Austreibung dero Kirchen: vnd Schuldiener/so dann auch anderer Euangelischen Christen mehr/geschützt weren worden: Desto mehr aber darumb/

Darumb/ weil wir eben solches Anwesen/ ipso facto nostro, taci-
tè nicht allein gut geheissen/ sondern mit aller Macht auch, noch
dazu geholffen habe.


Nun wolan/ diese Verfolgung ist nicht gering : Wolte aber
Gott/ daß sie nicht grösser würde : Vnd daß vns Euangelischen
deromal eins andere Herzen/ Augen/ Ohren vnd Fäuste gegeben
würden/ damit wir vnsern eigenen Schaden sehen / vnd das sehr
weit vmb sich fressende/ vnd schon allenthalben vberhand nehmens
de Feuer dämpffen helfen/ vnd nicht schlaffen möchten / biß vns
der Glaub vollends zu Hauß vnd Hof/ ja gar in die Hände selbst
wüchse.

Doct. Hoen zwar wünschen wir insonderheit hiemit ein ander
Hertz/ vnd seine vnpassionirte / aufrichtige / Euangelische Ges
danken vnd Rathschläge, Welchen/ so viel an ihme / zu Schutz
vnd Schirm der bedrungenen Euangelischen Kirchen nützlich /
vnd vnsern schwachen Mit. Gliedern am Leibe Jesu Christi / nie
ärgerlich/ viel weniger verderblich seyn mögen : Vnd daß er sich
nicht vielmehr die fette Romanischen Fleisch. Häfen/ als die Wols
fahrt der Christlich: Euangelischen Kirchen/ angelegen seyn/ vnd
beyde die Starcken vnd Schwachen ihrem Herrn entweder ste
hen oder fallen/ vnd also sein vnzeitiges Richten vnd Unchristli
ches Verdammen/ dannenhero diß groß Unglück allermeist sich
ereiget/ bleyben lasse: Welches wir ihme nebenst Offerirung die
ses wolgemeynten Meßkrames hiemit nochmals von Her
zen wünschen. Geben in der zeit der Angst vnd
Trübsal/ so nit wenigens auch der Hoffnung
schirst-künfftiger Gott wolgefälliger
vnd endlicher Erlösung: Amen.

1. 6. 2. 3.



Faint, illegible text in a Gothic script, likely bleed-through from the reverse side of the page. The text is arranged in approximately 25 lines.



Yl 6752

ULB Halle 3
001 504 843




(2) PICA:00

TA → OL

WNT

Art.





B.I.G.

Farbkarte #13



ung
 eibens/
 D. HOE,
 Prediger zu Dreß
 te. wegen Aufstrei
 en: vnd Schul
 lassen:
 n Redligkeit/
 e Otth vnd Fri
 / auf dem Vhralten
 nd Geschlecht dero
 ehlte Christl. Röm.
 ron vnd Zierde
 sehr geliebet/
 auch mäch
 ben.
 errewen Patrioten,
 ondern in alle wege
 ten / gestellet:
 auf Christlicher
 es verehret/
 r
 I I I.

10

